

## **Makua - Soolempwa - Good-Bad Mind Scriptures**

### **Good Mind Scriptures**

**Marku 5:15** nto yaahimoona mulopwan'ole aavariwe ni minepa sootakhala akilaanthe-ene awanre ikuwo ni onari naankhili. Voonaly'aya etthu'iyo, yaahoova.

**Luka 8:35** Vano atthu anci-ene yaahirowa woona yiiraneiye. Ephiyakaru v'ary'awe Yesu tthiri yaahimphwanya mulopwana, yoowo saamukhumme minepa sootakhala, akilanthe-ene vakhiviru va Yesu, awanre-ene ni arina ankhili, atthu awo yaahoova.

**Miteko S'arummwa 17:11** Ayuta a weiwo yaari ooreera murima wavikana aYuta a oTesalonika, awo yaahaakhela masu a Muluku ni murim'aya wothene nave mahiku othene yaanisoma Soolempwa sa Muluku wira yoone vakhala wira iye saahimy'awe Paulo saari siiso.

**Miteko S'arummwa 20:19** Kaarumeelaka Apwiya ni wiiyeviha wothene ni wunla n'uttehattehiwa mwaha w'aYuta yakilupattha.

**aRoma 7:25** Attottopeliwe Muluku mwa Yesu Kristu, Pwiy'ahu, okhala wira miyo mmansaka, kinnupuwela wira miyo k'epottha sa ikano sa Muluku, vano nto mweerutthuni k'epottha sa ikano s'etampi.

**aRoma 8:6** Maana muupuwelo w'erutthu okhwa, vano muupuwelo wa Erooho ekumi ni murettele.

**aRoma 8:27** Vano ole ontokonasa mirima, onnisuwela oratta-ene ele entthuna Erooho, okhala wira Erooho ennavekelela atthu ooreera murima, ntoko Muluku sintthun'awe.

**aRoma 11:34** ntoko silempwaly'aya wira: T'ani onwerya osuwela muupuwelo w'Apwiya? Wala ti pani otonko wawah miruku?

**aRoma 12:2** Muhitthareke mweettelo wa vathi-va, nto murukunuxe makhalelo anyu muluulaka muupuwelo anyu; wira nwerye osuwela etthu yooreera, enimusivela Muluku, n'utthuna wawe womalela.

**aRoma 12:16** Mwiiwananeke oratta-ene mukina ni mukhw'awe. Muhiittotopeke, mphaveleke okhala n'ale ahinooneliwa vatthu, muhiisooneke okhala asuweli.

**aRoma 14:5** Ookhala onuupuwela wira nookhala nihiku noottittimiheya ovikana mahiku makina; nave ookhala mukina onuupuwela wira mahiku othene anoolikana, vano khula mutthu aaminiki mmurimani mwawe.

**aRoma 15:6** Siiso, ni murima mmosaru ni nsu nimosaru paahi, munomuttittimiha Muluku tiithi awe Pwiy'ahu Yesu Kristu.

**1 aKorinto 1:10** Axinn'aka kinnoxonttelani mwa nsina na Yesu Kristu Pwiy'ahu, wira mwiiwananeke, ni ohikhale okawanyeya eriyari anyu, ohiya vo mukhaleke vamosaru ni murima mmosa-ru ni muupuwelo mmosa-ru.

- 1 aKorinto 2:16 T'ani anwerya osuwela sintthokolel'aya Apwiya, wira awerye waavaha miruku? Nto hiyo nookhalana ankhili a Kristu.**
- 2 aKorinto 7:7 khaanikurununxe murima n'urwa wa Tito paahi, nave-tho mwaha wa mulipiheryo ovahiw'awe ni nyuwo, onihimeeryaka ihaali sanyu, ni wunla wanyu, n'ukhoomalela wanyu mwaha wa miyo, siiso muhincererya otteeliwa waka murima.**
- 2 aKorinto 8:12 Tthiri akhala mutthu onvaha ni murim'awe wothene, owo onnaakheleliwa ntoko sirin'awe nave voohikhala ntoko ele ehinwery'awe. (1 Kronika 28:9)**
- 2 aKorinto 9:2 Okhala wira kinnisuwela oratta-ene oreera w'anyu murima, miyo kiniittottopa mwaha wa nyuwo vamaithoni v'atthu a oMasetonia, kaahimeery'aka wira atthu a w'Akhaiya ahiilikaniha okhuma mmwaisana nave othokorerya w'anyu onnalipiherya atthu anci-ene.**
- 2 aKorinto 13:11 Vano, w'axinna akina, koorowa-vo! Mutepeke oreerelana murima, mulipihaneke murima, mwiiwananeke, mukhaleke ni murettele, nave Muluku mwaneene ophenta ni murettele onookhala ni nyuwo.**
- aEfeso 4:23 Murima anyu ni muupuwelo anyu ohaana okhala nsya, voomalela, aFilipi 2:2-5 nto mmalelihe otteeliwa w'aka murima, wira mukhalaneke wiiwanana omosaru, mukhalanaka ophenta omosaru, wiilipiha omosaru, ni mukhalelo oowupuwela etthu emosaru. 3 Ehikhal'ethu eniir'anyu mphavelaka mureerelo anyu wala ni wisoona nto mwiiyeviheke, khula mutthu awooneleke vatthu akhw'awe voovivikana mmans'awe. 4 Ahikhale mutthu onwehexexa itthu simmureerela yoowo paahi, masi aphaveleke sinaareerela akhw'awe. 5 Mukhalaneke muupuwelo mmosaru y'ovo-tho waari mwa Kristu Yesu;**
- aFilipi 4:2 Kinnoovekelani nyuwo Evotiya, ni nyuwo Santikhe kinnoovekelani wira mwiiwananeke ntoko axinna mw'Apwiya.**
- aFilipi 4:7 Nave murettele wa Muluku, onivikana iye sinwery'ahu osuwela, onoosuka mirima sanyu ni muupuwelo anyu mwa Kristu Yesu. (Yesaya 26:3)**
- aKolosi 3:12 Nyuwo mw'atthu a Muluku, okhala wira Owo onnoophentani ni ohothanlani, tivo mukuxe murima wothunku, murima wooreera, woowiyeviha, woomaala ni woovilela.**
- 2 aTesalonika 2:2 wira muhuukhuwe naanaanova siiso wa osuwela wanyu, hata muhuukhuwe, nnakhala mwa muroohoni, nnakhala mwa nulumo, nnakhala muhina mwa epaphelo ntoko sinoolepel'ahuni, muhuukhuwe okhalaka ntoko nihiku n'Apwiya nri vakhiviru.**
- 2 Timoteyo 1:7 okhala wira Erooho ya Muluku enivahaly'awe khennikhaliha woova, ohiya vo Munepa eyo enninizaha ikuru, n'uphenta, n'upixa murima.**
- Titu 2:6 Siiso-tho nwiixuttiheke amiravo wira ekhaleke atthu owiisumaaliha.**
- aHeperi 8:10 Vano, waataana onrowaka opaka ni nloko na Isaraveli mahiku anrwa ti nno: Kinoohela ikano saka mmuupuweloni mwaya ni kinoolepa**

**masu aka mmirimani mwaya. Miyo kinookhala Muluku aya, nave awo anookhala atthu aka,**

**1 Petru 1:13 Tivo, mulipiheryaka mukhalelo wa mwiiwanano anyu, mukhale oowiisiinanelo nave mulipeleleke vanci-ene mmahalani nvahiw'anyu ni wiisooniherya wa Yesu Kristu,**

**1 Petru 5:2 Mulyihe nikoto na ipwittipwitthi sa Muluku siri variyari v'anyu, mukhapeleleke oratta-ene, voohikhanyereriwa, voowiivahererya w'anyu, wala voohitthuna oliviwa muhina mwa makhalelo ootakhala, nnya ni wiivahererya woomalela;**

**2 Petru 3:1 Oophentiw'aka vano kinnoolepelani epaphelo ya nenli, mwa soopiil'iya kinoovenxani ni ntumereryo itthu siixuttihiw'anyu;**

**Yakopo 1:17 Soovahiwa ni sooreera sothene sinnrwa osulu, sikhumaka w'Atiithi aneene apattunxe omwaleela wirimu, ahinrukunuwa makhalelo aya ntoko muuttutthi. (Yopu 23:13)**

**Wisuuupulula 17:9 Vaavo ti vamphaveleya ankhili, wira nisuwele. Miru mithanu na miili sinthonyerya miyaako mithanu na miili sikilatheliwe ni muthiyana; sinthonyerya-tho mamwene mathanu na manli:**

### **Bad Mind Scriptures**

**Marku 7:21 Mmurimani mwa mutthu ti munikhum'aya muupuwelo oonanara ni sothene simmuruuhela mutthu ehaaya wiiya, onamuttompe, wira yootakhala, (Esekieli 38:10)**

**Luka 12:29 Tivo, muhuukhuweke mukohaka wira kilye exeeni wala kiwurye exeeni.**

**Miteko S'arummwa 12:20 Heroti aahinanariwa vanci-ene n'atthu a mittetthe s'oTiro ni oSitoni. Nto awo yaahiiwanana orowa okumana n'uwo. Awo yaahipatthana ni Plasto yoowo aari mukhulupale a namuteko a mwene. Numala yaahivekela murettele okhala wira elapo aya yaanaakhela soolya saakhuma mulaponi mwa mwene.**

**Miteko S'arummwa 14:2 Nto aYuta oohaamini yaahaakhanyereriha ale yahaakhanle aYuta wira yaavirikanye amalapo yaaminni.**

**aRoma 1:28 Nto okhala wira awo aakhootta omusuwela saana Muluku, Owo ohaavahererya murima woonanara, wira yiireke itthu sihimpwanela wiiriwa.**

**aRoma 8:6,7 Maana muupuwelo w'erutthu okhwa, vano muupuwelo wa Erooho ekumi ni murettele. 7Tivo muupuwelo w'erutthu nwanani a Muluku, okhala wira khoniiwelela ikano sa Muluku, hata khoniwerya wira.**

**aRoma 11:20 Ekeekhayi wira awo yiikittheliwe mwaha wohiwelela, nto nyuwo mulipihwiwe mwaha wo waamini, vano nyuwo muhiittottope mwaha wa yeeyo, mooveke.**

**2 aKorinto 10:5 Ni wiisoona wothene oniwanana n'usuwela wa Muluku ni  
onitthukwa muupuwelo wothene w'atthu omwiwelela Kristu,**

**2 aKorinto 11:3 Nto miyo kinnoova wira ntoko enowa saamootonthy'aya  
Haawa n'ulavi-lavi'aya, siiso-tho ankhili anyu akhale oohapuxiwa, wira  
muhiye omaala ni oreera murima woomalela ori mwa Kristu.**

**aEfeso 2:3 Nave-tho, khalayi othene ahu: Hiyo n'atthu awo ooheeilela,  
naatthara soosivela s'erutthu ahu, nittharaka saatthun'aya ni  
suupuwel'aya erutthu ahu. Ntoko atthu akina, hiyo naaniphwanelia  
oviruweliwa ni Muluku.**

**aEfeso 4:17 Siiso nto, miyo kinnootumereryani vanci-ene mw'Apwiya, wira  
muheetteke ntoko sineett'aya atthu ahinaamini, yaawo antthara miruku  
saya soonanara.**

**aKolosi 1:21 Nave ni nyuuwo-tho khalayi mwaari amalapo ni awanani mwa  
sowuupuwela mwaha wa sootakhala siir'anyu. (Malikanyiho 21:27; Esekieli  
23:17)**

**aKolosi 2:18 Muhihiye mwakhiwaka woopowa wanyu n'atthu ansiveliwa  
n'ikano sowiyeviha wala waattittimiha ankelo. Awo annilemeliha itthu  
sinupuwel'aya wira ahoona, aasareya wiisoona mwaha w'osuwela waya  
wa vathi-va.**

**1 aTesalonika 5:14 Axinn'aka ninnoovekelani-tho wira mwaalopoleke ale  
ahineettela oratta-ene, mwaahakalaliheke ale oohilipa-lipa mwaalipiheke  
ale oolosowa ni mwaavileleke atthu othene.**

**2 aTesalonika 2:2 wira muhuukhuwe naanaanova siiso wa osuwela wanyu,  
hata muhuukhuwe, nnakhala mwa muroohoni, nnakhala mwa nulumo,  
nnakhala muhina mwa epaphelo ntoko sinoolepel'ahuni, muhuukhuwe  
okhalaka ntoko nihiku n'Apwiya nri vakhiviru.**

**1 Timoteyo 6:5 owanawana w'atthu oopahuwa ankhili ni ahinsuwela  
ekekhayi, anuupuwela wira nttittimiho ninniphwanyha muhakhu.**

**2 Timoteyo 3:8 nave ntoko Yane ni Yampere yaahinvaanya Monse nave-tho  
awo aannivaanya ekekhayi, khuyakhala atthu oopahuwa ankhili ni  
oorimeeliwa waamini.**

**Titu 1:15 Ale ooreera murima, itthu sothene ti sooreera; vano ale ari  
ootakhala murima ni ahinaamini kiivo etthu yooreera. Okhala wira ankhili  
aya ni mirima saya soonanarihiwa.**

**aHeperi 12:3 Mmuupuweleke oratta-ene ole ovilenle ovaanyihana wa  
n'anatampi wira muhoceye, mmurimani mwanyu.**

**Yakopo 1:8 maana mutthu owo orina ankhi ohoverya paahu, makhalelo awe  
othene ni mwa sothene sinir'awe.**